



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Expositio Cavsarvm Quibus S. R. M. Sveciae bellum à
Rege Regnoque Daniae sibi illatum, etiam post Pacem
Roschildiae initam, continuare coacta fuit**

Coyet, Peter Julius

[S.l.], 1658

Lit. E. S. R. M. Sveciae responsio ad alterum Regis Daniae Declarationem.

urn:nbn:de:hbz:466:1-10534

conditiones à Svecico Deputato rejectæ, ac tractatus hoc in loco ex improvise abruptus fuerit, ipsi Electori Brandenburgico, & omnibus qui huic interfuere abunde innotuit; Et quam constans in hoc proposito etiam bello exorto permanferit, Christianissimi Galliarum Regis Extraordinarius Legatus Dominus de Meules, nisi morte matura præventus, testimonium perhibere potuisset. Quare S. R. M. Daniæ & Norvegiæ istiusmodi imputationes injustas, parti adversæ haud infrequentes, heroico animo despicit. Ut vero proclivis S. M. animus, ac constans desiderium pacis securæ ac firmæ restabiliendæ etiam Celsissimo Domino Protectori, & cuivis innotescat, denuo responsum Sereniss. Celsitudinis Ablegato Domino Philippo Medovio XXV. d. proxime elapsi mensis Septembris datum hic repetit, & quoad Præliminaria, in illam quoque transactionem, quæ Anno MDCXLIV. ab utriusque partis Commissariis, de principalis pacis negotio instituendo, de numero Deputandorum Commissariorum, de Salvorum-Conductuum extraditione, Tabellariorum ac internunciorum securitate, inita, cum Rege Sveciæ consentit. Quoad locum vero tractatum Lubecam aut alium in vicinia commodissimum esse putat. Uti & S. R. M. Daniæ Serenissimi Domini Protectoris Reipub. Angliæ, Scotiæ, & Hiberniæ, & unitarum Provinciarum Belgii confœderati oblatam interpositionem sibi haud ingrati fore, denuo hisce declarat. Ita tamen ut non solum S. R. M. Daniæ verum etiam omnibus accolis Maris Balthici, præcipue Sereniss. Poloniæ Regi ac Electori Brandenburgico per hos pacis tractatus simul pristina incolumitas, cum securitate restituatur, vetusta commerciorum ac navigationis libertas in prædicto mari Balthico hæctenus ab adversariis turbata conservetur, ac salus populi, & innocentium belli calamitate oppressorum liberatio inde subsequatur. Et quia in prædicta declaratione Serenissimi Sveciæ Regis, mentio injecta de mediatione Christianissimi Galliarum Regis simul admittenda, S. R. M. Daniæ & in illam condescendet, si modo oblata fuerit. Nec hisce ita approbatis in mora erit, quin quam primum Salvi-Conductus in debita forma expediantur, ac Dominis Mediatoribus extradantur, ut Deo aspirante compositionis hoc negotium brevi incipi, ac ad optatum finem promoveri queat. Quæ S. R. M. Daniæ, Ablegato Sereniss. Angliæ Scotiæ & Hybernæ Protectoris, cum gratiæ & clementiæ Regiæ oblatione, sub Sigilli Regii impressione exhiberi iussit. Hafniæ die 3. Novemb. An. MDC LVII.

Lit. E.

S. R. M. Sveciæ responsio ad alteram Regis Daniæ Declarationem.

Serenissimo & Potentissimo Regi Sveciæ Domino nostro Clementissimo
S præter omnem accidit expectationem, quod altissime memoratæ Regiæ
Sux

Suæ Majestatis declaratio , qua suam in tractatus de Pace inter hæc duo Septentrionalia Regna reducenda propensionem , sub mediatione Christianissimi Galliarum Regis & Serenissimi Domini Protectoris Reipublicæ Angliæ, Scotiæ & Hiberniæ, satis superque testata est, in Dania tam iniquos offenderit iudices, neque quod ibidem contra propriæ conscientiæ dictamen, culpam exorti belli in Sacram Regiam Majestatem Sveciæ rejicere, ac de armorum suorum justitia, ad iudicium totius terrarum Orbis provocare non sint veriti, satis mirari potuit. Sed cum de hac materia in refutatione duorum scriptorum, quibus Dani causas à se moti belli, toti mundo manifestare voluerunt, uberius actum sit, non dubitat S. R. M. Sveciæ, quin ea ubique certiore merita sit applausum, quam Danorum jus feciale injustum, eorumque manifestum meruisse falso gloriantur, ideoque in hisce contentionis ferram cum Serenissimo Daniæ Rege ulterius reciprocare superfluum ducit. Ac quemadmodum S. R. M. Sveciæ in eodem pacis inter hæc Arctoa Regna reducendæ proposito adhuc persistit, sic valde illubenter percepit, Serenissimum Daniæ Regem non æque in locum tractatum secundum præliminariam transactionem de Anno 1644. consentire voluisse, cum more antiquitus inter hæc Regna recepto tales tractatus ad confinia Regnorum semper institui sint soliti, à quo ut nunc recedatur nullo modo S. R. M. approbare potest, præcipue cum omnia acta & documenta ad talem actum necessaria, facilius & absque ullo periculo in regnorum confiniis, brumali hoc tempore ad manus haberi queant. Aliter res habuit, cum præterita æstate, vel Autumno congressus Commissariorum inter duos Exercitusurgeretur, quia tunc vel brevi tempore absque multis ambagibus atque solennitatibus pax restabilienda sperabatur, vel commodiori anni tempore acta & documenta necessaria minori cum periculo è Suecia afferri potuerunt. Neque Sac. Reg. Majest. Sueciæ è repetita declaratione Serenissimi Regis Daniæ data Serenissimi Domini Protectoris Reipub. Angliæ, Scotiæ & Hiberniæ Ablegato Domino Medowio satis de serâ Regis Daniæ in pacem Propensione informari potest, dum in ea varias necat difficultates, ac omnium Accolarum Maris Baltici controversias ad hoc bellum Sueco Danicum nullo modo spectantes, suis immisceat, simulque velit terminari. Nihilominus tamen, si quidam Accolarum dicti Maris sint, qui speciale interesse in hoc bello habent, vel Rex Daniæ desideret, ut quorundam suorum Confœderatorum Ministri in loco tractatus ad Regnorum Sveciæ & Daniæ confinia eligendo appareant, suisque Commissariis adsint, non denegabit Serenissimus Rex Sveciæ illis suos Salvos-Conductus, quibus illi ad locum tractatus tuto venire, ibique commorari & ad lubitum illinc discedere queant. Idem suis confœderatis, eorumque Ministris ut concedatur S. R. M. Sveciæ expectat, sibi que eo in casu reservat. Caterum si Celsi ac Præpotentes D. Dn. Ordines Generales Unitarum Belgii Provinciarum, postquam tractatum Elbingensem, debito modorati habuerunt, ejusque ratificationem extradiderunt, ac sic pristinam amicitiam & fœdera renovarunt, mediationem suam ad hosce motus Danicos sedandos

andos offerant, Sacra Reg. M. Sveciæ taliter super ea retine se declarabit, ne ullam occasionem conquerendi prædicti D. Dn. Ordines Generales habituri sint, quemadmodum hoc S. R. M. uberius coram apud Aulam suam existentibus D. Dn. Legatis Belgicis Ipsa non semel exposuit. Quæ omnimodo serio Pacem cum Sacra R. M. Sveciæ inire Serenissimus Rex Daniæ intendat, non improbare poterit, ac propterea in locum ad confinia Regnorū Commissariorum congressui aptum consentiet, & diem præfiget, quibus intellectis S. R. M. Sveciæ statim, & suos Commissarios missura est, & Salvos Conductus in requisita forma expediri, ac in manus Dominorum Mediatorum extradi curabit, quo auxiliante Divina gratia, hoc Pacificationis negotium brevi inchoari, ac ad optatum finem perducere possit. Hæc sunt, quæ S. R. M. Sveciæ occasione repetitæ Serenissimi Daniæ Regis declarationis Illustri Domino Ablegato Serenissimi Domini Protectoris Angliæ, Scotiæ, & Hybernæ significari ac sub Regii Sigilli impressione Eidem extradi clementer jussit. Wismariæ d. 7. Decemb. Anno 1657.

Lit. F.

Tertia Declaratio Regis Daniæ, concernens pacis negotium.

Quamquam Serenissimus ac Potentissimus Daniæ ac Norvegiæ Rex Dominus noster Clementissimus, tertia die proxime elapsi mensis Novembris, ad declarationem Serenissimi Sveciæ Regis, in hoc pacis negotio Serenissimi ac Cellissimi Angliæ, Scotiæ & Hybernæ Domini Protectoris Ablegato Extraordinario, dato responso, tam clare & perspicue in illis, quæ ulteriorem explicationem requirebant, mentem suam exposuerit, ut remotis omnibus obstaculis, ad rem ipsam progredi, Sveciæ Regi in proclivi fuisset, tamen præter spem & opinionem, in nupera die septima hujus mensis Wismariæ exarata ulteriori declaratione Svecica animadvertit, quod speciosum quidem pacis nomen, ab adversa parte prætexatur, tantis vero difficultatum laqueis hæc præliminaria, de justitia belli, loco tractatum, ordinum generalium uniti Belgii mediatione, sub certis circumscriptis conditionibus, non ita facile adimplendis, tandem concedenda, involvantur; ut satis cuivis constet hæc ipsa, non ad promovendum hoc Pacis negotium, sed ad nova sufflamina excitanda, potius conducere, ut & inde, de serâ Regis Sveciæ ad hosce Tractatus inclinatione, dubium suboriri queat.

Non ea fuit mens Sereniss. ac Potentiss. Daniæ Regis in prædicto suo responso, justissimæ causæ armorum suorum patrocinium querere, cum ea sæpius à probatis approbata, & æquos arbitros jam invenerit. Neq; putat sat firmo niti fundamento, locum Tractatum in confiniis Regnorum tam necessario præfigendum, ut alius quamvis commodior nullatenus admittendus sit, cum antiquitus, & in priori sæculo, in diversis locis, utpote Rostochii & Stetini Tractatus pacis inter hæc Regna Septentrionalia instituti & conclusi fuerint, & ipse Rex Sveciæ, referente Legato

B

Gallico